

# **Сийрат дарслари (116-дарс). Набий алайҳиссалом душанба ва пайшанба кунлари рўза тутар эдилар**

СИЙРАТ  
дарслари 116-дарс

ISLOM.UZ

Сийрат дарслари Шайх Муҳаммад Содик Муҳаммад Юсуф роҳимаҳуллоҳининг «Бу – Расууллоҳ соллаллоҳу алайҳи васаллам» таржима китоблари ва «Ҳадис ва ҳёт» ning 19-жузъи асосида бериб борилади. Мавзуларнинг тўлиқ матни билан танишиш учун kitobning ўзига мурожаат этиш тавсия этилади.

14:00 / 25.12.2020 2151

452. Абдуллоҳ ибн Амр розияллоҳу анҳумодан ривоят қилинади:

«Расууллоҳ соллаллоҳу алайҳи васаллам менга: **«Эй Абдуллоҳ ибн Амр! Сен кечани бедор ўтказиб, доимо кундузнинг рўзасини тутар эмишсан? Агар сен шундай қиласиган бўлсанг, кўзинг заифлашади. Ким доимий рўза тутса, рўза тутмаган бўлади. Ойдан уч кун рўза тутиш ойнинг рўзасини тутиш кабидир»**, дедилар. «Менинг ундан ҳам кўпига тоқатим етади», дедим. **«Унда, Довуднинг рўзасини тут. У бир кун тутиб бир кун очар ва тўқнашганда қочмас эди»**, дедилар».

Бухорий ва Муслим ривоят қилишган.

453. Абу Айюб Ансорий розияллоҳу анҳудан ривоят қилинади:

«Расууллоҳ соллаллоҳу алайҳи васаллам: **«Ким Рамазон рўзасини тутиб, кетидан шавволдан олти кун рўза тутса, йил бўйи рўза тутгандек бўлади»**, дедилар».

Муслим ривоят қилган.

454. Оиша розияллоҳу анҳодан ривоят қилинади:

«Набий соллаллоҳу алайҳи васаллам душанба ва пайшанбанинг рўзасини тутар эдилар».

*Термизий, Насоий ва Ибн Ҳиббон ривоят қилишган.*

455. Абу Зарр Ғифорий розияллоҳу анхудан ривоят қилинади:

«Расулуллоҳ соллаллоҳу алайҳи васаллам айтдилар: «**Ҳой Абу Зарр! Бир ойдан уч кун рўза тутадиган бўлсанг, ўн уч, ўн тўрт ва ўн беш**(инчи кунларнинг рўзаси)**ни тут**».

*Термизий, Насоий ва Ибн Хузайма ривоят қилишган.*

**«Расулуллоҳ соллаллоҳу алайҳи васаллам» китобидан**